

'Sëédhɛ =plɛ -naa
'ö Pɔlö -ya bɔ
Yesu -wun -dhɛ 'wun
gia- -mɛ -nu 'wo
Tesalɔnikö
plöö -an -dhë bhë 'ö =nɛ

1 ¹Ma Pɔlö 'dhö, Siliven 'dhö, Timote 'dhö, 'yi 'sëédhɛ 'ö -nɛ 'yi- bɔ
-Zlan -bha mɛ -nu 'ka -klu -sü 'ka -Zlan 'ö kwa Dë 'ka waa- Yesu Klito
'ö kwa Dëmɛ 'ka -an -bha, 'ka Tesalɔnikö plöö ka -dhë.

²-Zlan 'ö kwa Dë 'ka waa- kwa Dëmɛ Yesu Klito -wo 'glusë waa-
-zuöyagluu nu ka -dhë.

Za 'kan -sü 'ö dho kë Klito nu -yi 'ka

³Dhegluzë -nu, yi -dua' -mü kö 'yi -Zlan zuö pö 'töng 'plɛ 'ka ka -wun
'gü. -Yö kpengdhö kö 'yi- kë 'dhö 'ö tɔɔ ka -bha -zo -yö -Zlan -bha -sü -yö
'dho -na 'dhiö 'töng 'plɛ 'ka. 'Ö ka 'ko -nu -dho 'ö ka ziën 'ma 'ö 'dho -na
'dhiö 'pö. ⁴-A -wun 'gü, yi 'gɔugɔ (kwa Dëmɛ Yesu 'gü), -a -wun -dhɛ 'wun
gia- -mɛ -nu -dho 'kuë- -sü -nu ziën ka -wun 'gü, 'ö bhii ka -bha -dɔ 'gbee-
-sü 'ö 'wun 'gbee- 'kpɛkpɛ 'gü waa- ka -bha -dɔ 'gbee- -sü 'ö 'klobhɔdhe
-nu 'ö 'wo- -wɔ ka -ta -an 'gü -zo -yö -Zlan -bha -sü 'ka bhë -yö yi -zuö' 'glu
-dhi.

⁵'Wun -nu 'wo bhë -wa -zɔn ka -dhë -nɛ -Zlan -bha za 'kan -sü -yö -dho
kë kpengdhö 'ö tɔɔ 'wun 'gbee- -nu 'kpɛkpɛ 'ö 'wo nu -na ka -ta, ka -bha
-kë -Zlan -bha -gludédhɛ -pö 'gü -sü -wun 'gü 'ö 'ka dɔ 'gbee- -a 'gü bhë,

yö -ne 'ö dho ka kē -bhlēzē kö 'ka kē -Zlan -bha -gludēdhe 'ö bhē -a 'gü 'nē -nu 'ka. ⁶Wun giagia 'ka -Zlan 'ö bhē -yö kpengdhö, -yö -dho 'klobhɔdhe wɔ mɛ -nu 'wo ka 'klo bhɔ -na bhē -an -ta. ⁷⁻⁸'Töng 'ö kwa Dēmɛ Yesu waa- -Zlan -bha bɔmɛ 'gü 'gbeezē -nu 'wo dho go -a 'ka dhang- 'gü kö -wo -wo 'siö ne- kpö 'gü, -a 'töng 'dhö bhē -a 'ka, -Zlan -dho -ya -de 'flēē- 'gü -sü nu mɛ -nu 'ö 'ka -saan' -na bhē ka -dhē; -yö -dho -ya -de 'flēē- 'gü -sü nu yi -dhē 'töng 'dhö bhē -a 'ka 'pö. -Yö -dho 'wun wɔ mɛ -nu 'ö 'waa -Zlan dɔ 'ö 'wuntasē 'ö -gban kwa Dēmɛ Yesu -wun -bha 'ö 'waa- -bhlē -ya bhē -an -ta. ⁹Wun 'ö dho wɔ -an -ta bhē, -yö -dho kē 'güsiödhe 'ö -toöpö 'ka -a 'ka. -Wo -dho kē kwa Dēmɛ wöödhe 'ka -gbiin, 'ö -an 'yan 'ka 'dho -da -a -bha 'gügbeedhe 'bhüzē bhē -a -ta. ¹⁰Wun -nu 'ö 'wo bhē -wo -dho kē -dhekpaɔyi 'ö kwa Dēmɛ dho nu -a 'ka bhē -a 'ka; mɛ -nu 'wo- -wun -dhe 'wun gia- 'ö 'wo- -bha 'ka, -wo -dho -a -bhlē -ya, 'go mü 'wo- -ga -zuögludhi 'ka. Ka -de 'pö, ka -dho kē mɛ -nu 'ö 'wo bhē -an ziēn, 'ö tɔɔ -Zlan -bha -naɔ 'ö 'yi- -blɛɛ ka -dhē bhē, ka- -wun -dhe 'wun gia-, 'ö 'ka -sü ka -bha 'ka.

¹¹Wun -nu 'wo bhē -an -wun 'gü, yi -bheɛ -Zlan -dhē ka -wun 'gü 'töng 'plɛ 'ka. Yi- -dhe kwa -bha -Zlan -gɔ kö -yö ka -bhlē 'kpɔ ka -bha dha -sü 'ö ka -dhe -a 'ka bhē -a 'gü. Yi- -dhe -a -gɔ 'zü kö -a -bha 'piigbeedhe 'gü, ka -zuö' 'piö -wun 'ö -kē 'wun -sē kē -sü 'ka, -ya kē ka -dhē; kö ka -bha yuö -nu 'ka- -kē -zo yö -sü 'ka bhē kö -yö nu ka -dhē kö 'ka- 'dhiö 'to -sē 'ka. ¹²-Ya kē 'dhö, kwa Dēmɛ Yesu 'tɔ -dho bɔ ka -ta 'ö -kē -bhlēzē 'ö ka -de 'pö, 'ka dho kē -a 'gü -bhlēzē, kwa -bha -Zlan waa- kwa Dēmɛ Yesu Klito -an -bha 'glusē -wun 'gü.

'Wun 'ö -gban kēpēyaame -bha nu -sü -bha

2 ¹Dhegluzē -nu, 'wun -nu mɛ 'wo -gban kwa Dēmɛ Yesu Klito -bha nu -sü waa- kwa -bha -kpa 'kuē- -sü 'ö- wöödhö -a -bha, yi -bheɛ ka -dhē -a -wun 'gü, ²kö -kun 'ka ka -kwaa ka -de -zü 'siösiö 'ö ka -zuö' -yö -kaan 'kuē 'iin 'ö 'siö -yö -kan ka 'gluu -ne kwa Dēmɛ -bha zakanyi -ya -lo. Mɛ 'bhaa -nu -wo -dho ka -zuö' -kaan' 'kuē; -wo -dho -mɔɔ -bha kö -wo -sua kē ka -gɔ -a -pö ka -dhē -sü 'ka -nɛɛ -Zuu 'slöösölö -ya 'wun -blɛɛ' -wo 'gü; -ya -pö kwa Dēmɛ -bha zakanyi -ya -lo. -Wo -dho -mɔɔ -bha kö -wa pö ka -dhē 'zü -Zlan -wo -blɛɛ' -sü 'ka 'iin -wo -dhoë pö ka -dhē 'zü -nɛɛ 'yiē 'sēedhe bɔ ka -dhē -nɛ kwa Dēmɛ -bha zakanyi -ya -lo. 'Kɛɛ 'wun -nu 'wo bhē 'saadhö kö -kun 'ka -an -ga 'wun gia- 'ka! ³Kö -kun 'ka ka -kwaa ka -de -zü 'ö mɛ gbe -yö ka -dian -kē -ko 'bhaa -ta! -Yö kē ka 'yaan -nɛ yi 'ö 'yi 'we -na -a -wun 'ka bhē, -a kē -sü 'ka kö -yö -wo mɛ 'bheɛ -nu -ta, -wo -dho wo -ta yö -Zlan -bha. 'Yö kepeyaame 'wo- -dhe 'yaa tɔng 'kun, 'ö- -bha -tosiadhe 'dhiötodhe dho kē 'güsiödhe 'ka bhē, -yaan -tun nu -süē -a 'töng 'ka. ⁴Kēpēyaame 'ö bhē yö 'ka 'dho we -a -bha kö mɛ 'waa gbe -yö gbapē -suu' -kpaan gbe 'sü 'ö -bha -Zlan 'ka kö -ya gba kö yaa kē yö dosen 'ö 'ka. -Yö -dho 'ko zē -zlan -suu' -kpekpe 'ö 'wo 'kpongtaa -an 'ka. -Yö -dho dho -dewo

ö -da -a 'ka -Zlan ('bhee-) -gba -a 'gü -kɔ 'gü 'ö -yaannu -a 'gü, -a pö -sü 'ka -nɛɛ
yö -nɛ 'ö tɔɔ -Zlan.

⁵Wun -nu 'ö 'wo bhê 'ma- =blɛɛ' -ka -dhê 'töng 'ö 'a -kaa' ka 'piö 'ma -a
'ka; 'yaa 'dhö a? A- -dɔ -nɛ ka -zo yaa -büö -a 'ka. ⁶Wun do 'bhaa 'ö pè -nu
'wo bhê 'ö -an kè -sü to zlöö -yö -dhö. 'Wun 'ö bhê ka- dɔ 'pö. =Dhɛ -kè -nɛ
-yö 'dhö, kèpèyaame 'ö bhê -yö -dho nu -a -bha nu 'töng 'ö -Zlan -ya kpɔ
-a -gɔ -a 'ka. ⁷Wun yaa kè -sü 'ö -bin -sü 'ka -a -bha -faan' -yö yuö kè -na;
'kɛɛ 'wun -nu 'ö 'yi- =blɛɛ ka -dhê bhê -a kè -yi 'ka kö -yö kè, kö pè 'ö zian
ta- -gɔ bhê kö -ya zian 'po -a -gɔ. -Ya kè 'dhö 'ö dho ziö.

⁸-Ya kè 'dhö kö kèpèyaame bhê -a nu 'töng -ya -lo. 'Kɛɛ -a -bha yi 'dhiö 'to
'töng -ya -lo, kwa Dème Yesu -dhoè zè 'ö 'tèè 'ö dho go -a dhiö -a 'ka; -yö -dho
-a 'gü =siö- 'ö -bha mɛdhɛ 'bhü 'ö dho nuè 'piigbeedhe 'gü bhê -a 'ka 'ö nu 'töng
'ka. ⁹Kèpèyaame 'ö bhê -a nu -yi 'ka, -yö -dho nu Satan ('ö dü 'ka bhê -a) -faan'
'ka; 'yö 'slè -suu' -'plɛ -kè, -dhidhaapè -suazè 'iin =duakèpè =suazè -nu waa- pè
'gblüünzè =suazè -an kè -sü 'ka. ¹⁰-Yö -dho 'wun yaa kè -kɔ -suu' -'kpekpe 'plɛ
-ta kö mɛ -nu ('ö wo 'ka 'dho kè -Zlan -wo -dhɛ 'wun gia- -mɛ -nu 'ka) 'ö 'wo dho
kè dhɔng -mɛ -nu 'ka bhê, kö -yö -an -püö. Mɛ -nu 'wo bhê 'ö 'wo dho =dhɔng 'ö
tɔɔ 'wun giagia 'ö dho -an gbaa dha -sü 'ka bhê waa- -dhɔ kè -waan -a 'kun wo
=zuö' 'gü. ¹¹-A -wun 'gü mɛ -nu 'wo bhê -Zlan -dhoè kè kö -wo -püö -zo yö -sü 'ö
=suapè 'ka -a -bha -sü 'gü. ¹²-Kɔ bhê -a 'ka mɛ 'kpekpe 'ö waa 'wun gia- 'sü wo
-bha 'ka 'ö 'wo 'wun yaa kè -sü -dhɔ -kè wo =zuö' 'gü, za -yö -dho -püö -an -ta.

-Zlan -bha mɛ -nu 'ö -an sü kö -waan kè dhame -nu 'ka

¹³Dhegluzè -nu, -yö yi -bha kö 'yi -Zlan zuö pö 'töng 'plɛ 'ka ka -wun
'gü. Ka -dhɔ -yö kwa Dème -kè. Yö -nɛ 'ö- -wun 'gü, 'yö ka sü -a züɔyi 'ka
kö 'ka kè dhame -nu 'ka -bɔa' -Zuu 'slööslö -ta -sü 'ka. -Zuu 'slööslö 'ö bhê
-nɛ 'ö ka -kè -Zlan -bha mɛ -nu 'ka ka -bha -zo -yö 'wun gia- -bha -sü -wun
'gü. ¹⁴Wuntaɔsè ('ö -gban Yesu Klito -bha) 'ö 'yi- =blɛɛ ka -dhê bhê, yö -nɛ
'ö -Zlan -yö bɔ -a -ta, 'ö ka =dhɔɔ kè -yö -kè 'dhö 'tɔbhɔdhe 'ö kwa Dème
Yesu Klito 'piö bhê 'kaan- ka -bha yö. ¹⁵Dhegluzè -nu, -dhɛ -kè 'dhö bhê,
kö -ka dɔ 'gbee-! 'Wun -nu 'ö 'yi ka -daan -a 'ka dhiö 'iin -a mɛ -nu 'ö 'yi-
=blɛɛ ka -dhê 'sèédhe 'gü, ka -zo -yö 'to -an 'piö 'töng 'plɛ 'ka!

¹⁶-Zlan 'ö kwa Dè 'ka yö -nɛ 'ö kwa -dhɔ -ya -kè; pè 'ö -kè 'ö kwa gbaa
-zo -yö 'ö -bha -sü -nɛ kwa -dho dha, waa- 'gü -dɔ 'gbee- -sü, 'ö =toèpö 'ka
-an 'ka 'ö bhê. -Zlan 'ö bhê waa- kwa Dème Yesu Klito ¹⁷-wo ka =zuöga pa
'gü -dɔ 'gbee- -sü 'ka. Kö 'wun -sè kè -sü 'ö 'wun =blɛɛ' -sü 'gü 'iin 'ö 'wun
-nu kè -sü 'gü -yö =faan' nu ka -dhê.

Pɔlö -nu -wa -dhɛ mɛ -nu 'wo Tesalɔnikö -an -gɔ -sü kö -wo =bhea' -wo -wun 'gü

3 ¹-Ya 'kan -a -bha, dhegluzè -nu, yi- -dhɛ ka -gɔ kö 'ka =bhea' -yi -wun
'gü kö kwa Dème -wo 'ö bhê -yö 'dho 'dhiö, -yö -wo -dhɛ 'plɛ 'gü -bla

'ka kö -yö kē -bhlēzē =ne -kɔ 'ö -kaa' ka 'piö 'ma bhē -a 'dhö. ²-Ka -bhea'-zü kö -Zlan -yö yi bho me =suu'- yaazē -nu 'ö -an =zuö' 'dhö ya -an kwæ. 'Ö tɔɔ me 'ple kun 'wo -we Yesu -wun -dhe 'wun gia- -sü -bha.

³'Kæ -zo -yö -a -bha -me -mü kwa Dēme 'ka. Yö =ne 'ö dho ka gbaa -faan' 'ka. 'Go mü 'ö dho ka -maa kē kēpēyaame ('ö -kē dü 'ka bhē) -a -gɔ. ⁴Kwa Dēme 'ö bhē 'ö yi gbaa -zo -yö ka -bha -sü 'ka =ne 'wun -nu 'ö 'yi -blæ ka -dhē bhē, ka- kē -sü 'gü. 'Go mü 'ka dho dho -a 'ka 'dhiö. ⁵Kwa Dēme -ya kē kö -Zlan -dho -yö ka kē, 'iin kö =zuö' -saa -dhe 'ö go Klito 'gü -yö kē ka -gɔ!

'Wun 'ö -gban yuö kē -sü -bha -a -dhio 'ö Pɔlö -ya dɔ

⁶Dhegluzē -nu, 'yi- -dhe ka -gɔ kwa Dēme Yesu Klito 'tɔ 'gü kö 'fiame -nu 'ö pē -nu 'ö 'yi -an -daan -a 'ka 'ö 'waa 'we -na -a kē -sü -bha bhē kö 'ka 'kan -an -bha! ⁷-Kɔ 'ö 'ka dhoë- kaa kö 'kaan- yi -bha 'wun =zuan' 'sü, ka- kē -kɔ -dɔ; 'ö tɔɔ =dhe 'yi tun ka 'piö mü yiëë kē 'fiasü. ⁸Yiëë yi -kwaal' yi -de -zü kö me 'kpaan gbe -yö yi 'dhi gba 'kpaan kö yiëë pē 'bhaa nu -a -dhē. Yuö =ne 'yi- -kē 'töng 'saadhö 'ka, 'ö 'yi bɔ 'gügadhe =va -nu 'gü. -Yö -kē 'dhö kö -kun 'ö yi 'gbiin- dho me 'bhaa kē. ⁹-A kē -nu 'ö 'yi- wo 'dhö bhē yaa kē =ne kö yiëë -mɔ -a -bha kö 'yi- pö ka -dhē 'ka nu yi -dhē; 'kæ yi- kē 'dhö =zian' kö -yö kē ka -bha 'wun =zuan' 'ka. ¹⁰'Ö bhii 'töng 'ö 'yi -kaa' ka 'piö mü bhē, yi- -pö ka -dhē =ne me 'yaa- 'piö kö 'ö yuö kē bhē -a =dua' 'yaa -mü kö -yö pē -bhö.

¹¹-A pö 'yi- wo ka -dhē 'dhö bhē 'ö tɔɔ yi- -ma =ne me 'bhaa -nu -wo ka ziën 'ma 'ö 'waa yuö kē; 'ö -an -bha -tosiadhe -yö -kē -de -dɔ wo 'bhamē -nu -bha 'wun 'gü -sü 'ka. ¹²Me -nu =suu'- 'wo bhē, yi- -dhe -an -gɔ töng -dɔ -an -dhē -sü 'ka kwa Dēme Yesu Klito 'tɔ 'gü =ne -wo yuö kē 'töng 'ple 'ka kö -wo wo -de giagia -bha -bhö -pē yö.

¹³Dhegluzē -nu, kö -kun ka 'gü -yö ga 'wun -sē kē -sü 'ka! ¹⁴'Wun -nu 'yi- -blæ ka -dhē 'sëédhe 'ö =ne -a 'gü bhē me yaa 'we -a -bhlē -ya -sü -bha, -kaa 'piö -ga, 'ka ka -ta yö -a -bha, -yö kē 'dhö kö lē- -yö 'kpɔ -a -ta. ¹⁵'Kæ kö -kun 'ö 'ka- sü ka yaagüme 'ka! -Ka -a -zo -büö =zian' -ne ka dheglu 'dhö.

¹⁶Kwa Dēme 'ö =zuöyagluu nu me -nu -dhē bhē, -yö ka gbaa =zuöyagluu 'ka, 'töng 'ple 'ka, -kɔ 'ple -ta! Kwa Dēme -yö 'to me 'ple ka 'piö!

¹⁷'Sëédhe =bæen' -wo 'ö 'a- -ya n -de giagia -kɔ 'ka 'yö =næ: Ma Pɔlö, 'ma 'we kaa! -Kɔ 'ö 'a n -kɔ pin -kaa' ma 'sëédhe -nu 'ple -ta 'ö bhē. Ma 'sëédhe =bæen' -kɔ 'ö bhē.

¹⁸Kö kwa Dēme Yesu Klito -yö 'dhuë- 'kpɔ ka -bha!